

Dispvtationes Theologicae

Quatuor Tomis distinctæ: Qvibus Vniversa Theologia Scholastica Clare,
Breviter & accuratè explicatur

De Deo, Et De Angelis

Martinon, Jean

Burdegalae, 1644

Sect. 4. An Christus sit causa meritoris totius nostræ prædestinationis.

[urn:nbn:de:hbz:466:1-73898](https://nbn-resolving.de/urn:nbn:de:hbz:466:1-73898)

beneplacito ac dono gratuito Dei, misericorditer acceptancis, sine lege infallibili, ac sine debito iustitia, bona vnius opera vel orationes pro salute alterius. Neque modò particulares, sed neque tota Ecclesia semper impetrat conversionem & salutem peccatorum pro quibus orat.

^{31.} Contra primam & secundam conclusio-
nem opinatur Vasq. disp. 94. cap. 5. affirmans
purum hominem iustum posse esse causam
omnium effectuum prædestinationis alterius: & consequenter causam esse posse totius
formalis prædestinationis ipsius. Nam in sen-
tentia Vasquis disput. 91. cap. 1. num. 2.
Qui est causa effectus & obiecti, dicitur
esse causa illius relationis & respectus ra-
tionis in quo consistit prædestinationis for-
malis, sive actus liberus Dei prædestinantis.
Quocirca idem est mereri alicui effectus
prædestinationis eius, atque mereri quod
diuina essentia referatur ad ipsum relatione
illa rationis, quā compleetur ut dicatur præ-
destinationis.

^{32.} Fundamentum Vasquis est, quia omnes
effectus prædestinationis insipiunt à prima
vocatione. Atqui potest vnu alteri mereri
primam vocationem, & reliquos effectus qui
post eam sequuntur. Ergo potest illi mereri
totam suam prædestinationem obiectuam,
ad propria formam. Maiores nos conce-
dimus. Maiores probat primò ex S. Augu-
stino contendente contra Massilienses Semi-
pelagianos, non posse hominem mereri to-
tam suam prædestinationem, quia non potest
mereri primam suam vocationem. Accipiens
scilicet hæc duo pro eodem, ita ut mereri
primam vocationem, & quæ ex ea sequun-
tur, sit mereri totam suam prædestinationem.
Probat secundò, quia cum vnu orat pro al-
tero ut impetrat illi primam vocationem,
oratio illa non est effectus prædestinationis
alterius. Alioquin etiam preces & merita
Christi pro electis specialiter oblata, essent
effectus prædestinationis ipsorum: atque
ita Christus non mereret omnes effectus
prædestinationis nostræ, quia non meruit il-
le suas orationes & merita. Ergo secundum
est effectus prædestinationis incipere à pri-
ma vocatione.

^{33.} Respondeo, maiores præsumptionem non
esse veram vnu aliiter. Ad cuius pri-
mam probationem dico primò Augustinum
ibi loci de eo solùm quod homo libi ipsi
mereri potest: de quo solùm inter ipsum &
Massilienses erat controversia. Non autem
de eo quod vnu potest alteri mereri, aut
quod vnu potest obtinere per merita alterius.
Dico secundo probationem Augustini
esse bonam, cum inferat neminem mereri
totam suam prædestinationem ex eo quod
non meretur primam suam vocationem, quæ
est vnu ex effectibus prædestinationis, sive
sit omnium primus, sive non. Quamvis non
sumat hæc dñs pro eodem: neque valeat
conuersio, seu contraria propositio affirma-
tiva. Ergo si meretur primam suam voca-

tionem, meretur totam suam prædestinationem.

Ad secundam probationem, nego ratio-
rem. Oppositum enim ostendit s. num. 28.
Ad confirmationem, dico aliam esse ratio-
nem precurs & meritorum Christi. Nam
Christi preces & merita præcedunt ordine
rationis & causalitatis totam nostram desti-
nationem ad gloriam: etiam quoad primam
vocationem antecedentem & conditiona-
tam, per modum simplicis desiderij, ut ostendemus
sequenti. Vnde Christi pre-
ces & merita pro nobis oblata, non sunt ef-
fectus, sed sunt causa totius nostra prædesti-
nationis. At vero preces vnu pro altero
non præcesserunt ordine rationis & causalitatis
simplex illud desiderium salutis ipsius,
quod Deus habet independenter ab homi-
num operibus, & circa eorum prævisionem:
sed potius ex illo sequuntur ut media electa
& applicata vi illius desiderij & intentionis
saluandi homines.

SECTIO IV.

An Christus sit causa meritoria totius nostre
prædestinationis?

Respondeo affirmatiū & dico primò non
tantum meruisse Christum vitam æter-
nam hominibus: sed & ipsam destinationem
ad illam: sive simplicem, & generalem, ac
memoriū communem omnibus: sive efficacem, & spe-
cificam electorum, quæ specialiter vocatū
prædestinatio. Ratio est quia Christus fuit
primò decretus & prædestinatus ante alias
omnes creaturas, propter suam excellētiā
& amabilitatem in esse & in operari: Ergo
propter ipsum opera prævisa potuit Deus
velle salutem omnibus creaturis intellectua-
libus antecedenti illa & simplici voluntate
quæ præcessit occasionem datum ex parte ip-
parum creaturarum: ac multò magis alia vo-
luntate consequenti & efficaci post prævi-
num occasionem: maximè cum illa occasio sit
fundata in Christi meritis, ut dicam paulò
post. Si autem posuit utramque voluntas fundari
in Christi meritis ut in ratione motiva:
conuenientius est Christi dignitati ut ita fa-
ctum sit. Idque significat Apostoli, Ephel. 1.
dicens: Quis sedixit nos, Deus scilicet, in omni
benedictione spirituali in cœlestibus, in Christo.
Sicut elegit nos in ipso ante mundi constitutionem
ut essemus sancti & immaculati in conspectu
eius, in charitate. Qui prædestinavit nos in adop-
tionem filiorum per Iesum Christum in ipsum. Quo
loco illa particula, In Christo, In ipso, & per
Iesum Christum, indicant meritum Christi,
ut sequentibus Apostoli verbis clarius ex-
plificatur, cum ait: in quo gratificavit nos in di-
lecto filio nostro. In quo habimus redēptionem per
sanguinem eius. Neque aliter solet Scriptura
meritum Christi designare, quam illis & simili-
bus loquendi modis.

36. Dices ut Christus meretur hominibus & angelis, oportuit Deum ratione prius ordinare & acceptasse illius opera ad hoc ut angelis & hominibus prodeesse possint. Ideo enim Christus nobis meruit, quia Deus voluit, ut nobis mereretur. Prius ergo Deus ordinavit ut merita Christi nobis prodeesse possent, voluitque Christum nobis dare in mediatorem & merentem, quam Christus quidquam nobis meritus sit. Atqui cum voluit Deus Christum nobis mereri, deditque ut mediatorem; dedit propter aliquem finem supernaturalem, nempe propter gratiam & gloriam, ad quam merita Christi nobis prodeissent: ergo primum Christus nobis mereretur, voluit Deus nobis gratiam & gloriam. Ergo Christus non meruit primam illum & simplicem atque antecedentem voluntatem qua Deus voluit homines & angelos ad gratiam & gloriam eucnere.

37. Respondet non esse necessarium ut Deus ratione prius voluerit gratiam sanctificatam & gloriam hominibus, quam vellet Christi merita ipsis prodeantur. Potuit enim in eo signationis velle hominibus & angelis Christi merita, non ut media determinata ad gloriam & gratiam illis merendam: sed ut causas generales ad ea omnia, ad quam Christus vellet ea applicare. Tum praeiens Christi voluntatem futuram ut haberet confortes gratiae & gloriae, utque sua merita ad hoc Angelis & hominibus prodeissent: potuit id velle propter Christum, non solum ut causam finalem & exemplarē, sed etiam ut causam meritoriam. Atque ex ea voluntate facta est præparatio mediorum, quæ similiter Christi meritis tribuenda est: quatenus Deus propter ipsum præparauit omnibus proxime vel remotè media sufficiencia ad gratiam & gloriam consequandam.

38. Dico enim secundò Christum meruisse hominibus omnia gratiae auxilia & beneficia, quibus, vi illius intentionis eos salvandi, disponuntur ut gratiam & gloriam consequantur, ac tandem ad illam peruenient: tam ea quæ præcedunt primam iustificationem, quam quæ illam sequuntur. Probatur primò generaliter ex cap. I. ad Ephes. Benedixit nos in omni benedictione spirituali in cælestibus, in Christo, &c. Secundò, specialiter de vocatione, qua præcedit iustificationem, quæque ad illam disponit, ita scribit Apostolus 2. Tim. I. Vobis vocatione sua sancta, non secundum opera nostra, sed secundum gratiam que data est nobis in Christo Iesu. De eademque sic loquitur Trident. less. 6. cap. 5. Declarat preterea sancta Synodus ipsius iustificationis exordium in adultis à Dei per Iesum Christum præveniente gratia sumendum esse, hoc est, ab eius vocatione. Tertiò, de consensu nostro, quo Deo cooperante permanens vocationi, sic ait Apostolus Philippi. 1. Vobis donatum est pro Christo, non solum ut in eum creditis, &c. Et Ephes. 2. Gratia enim salutis est per fidem: & hoc non ex vobis, Dei enim donum est: non ex operibus,

ut ne quis gloriatur. Ipsius enim sumus facta, creati in Christo Iesu in operibus bonis, quæ preparauit Deus, ut in illis ambulemus. Nec obest quod huiusmodi opera sunt actus nostri liberi. Nam sicut eo non obstante sunt Dei dona: ita sunt præmia meritorum Christi, quatenus scilicet sunt auxilio excitante & cooperante, per meritum Christi collato. Quartò, si iustificatio obtineatur per sacramentum ex opere operato, non est dubium quin institutio & vis sacramentorum sit fundata in Christi meritis. Specialis quoque fauor prouidentia Dei, quæ procurat aut permittit talem ordinem rerum, in quo præuidit fore ut applicarentur efficaciter sine adultis, sive parvulis, non minus debet meritis Christi tribui, quam gratia vocationis: quia nulla est ratio cur applicatio meritorum Christi facta ex opere operantis detur magis propter merita Christi, quam ea quæ sit ex opere operato. Quintò denique, de omnibus gratiæ donis quæ sequuntur iustificationem, ad perseverandum, ad merendum, ad gratiam augendam, & ad consequendam efficaciter vitam eternam, ita scribit Apostolus Ephes. 4. Veritatem autem facientes in charitate, crescamus in illo per omnia, qui est caput Christus, &c. Et Ioan. 15. sicut palmas non potest frere fructus a semel ipso, nisi manserit in vite: si nec vos nō in me manseritis, &c. Quia sine me nihil potest facere. Quid al ludens Trident. less. 6. cap. 6. ait Christum in iustificatis iugiter virtutem influens, tanquam caput in membra, & tanquam vitæ in palmite, quæ virtus bona eorum opera semper antecedit, & comitantur, & subserviuntur. Et less. 34. cap. 8. Nam quia ex nobis, tanquam ex nobis, nihil possumus: et cooperante, qui nos confortat (Christo) omnia possumus. Ita non habet homo unde gloriatur, sed omnis gloriatio nostra in Christo est: in quo vivimus, in quo meremur, in quo satisfacimus.

39. Dico tertio Christum non meruisse omnia penitus gratiæ dona nobis à Deo data quoniam docunque. Primò enim non meruit seipsum simpliciter, qui tamen maximum Dei donum est, & ornamentum naturæ creatæ intellectus, præsertim humana, estque fundamentum alio omnium beneficiorū, quæ propter ipsū nobis collati sunt. Secundò, non meruit similiiter omnia suæ meritis, & opera vel passiones, quæ tamen sunt respectu nostri Dei beneficia, quatenus in bonum & commodum nostrum cedunt. Tertiò, sive illa merita fuerunt nobis prima applicata per Dei constitutionem, volentis ut nobis prodeissent: sive per Christi ipsius voluntatem id determinauit, ut paulo ante diximus: Christus non meruit primam illam Dei constitutionem, quippe quæ nec si videlicet presupponitur omni merito Christi ut nobis profuturo. Est enim causa necessaria ut nobis proficit: & nisi Deus ita vellet, non prodebet. Non meruit etiam illam suam voluntatem & determinationem: quia nemo meretur de seipso. Quare

non meruit ut vellat merita sua nobis prodesse. Posita vero illa applicatione vel coniunctione, videtur Christus meruisse omnia gratiae beneficia quae deinceps hominibus & Angelis collata fuerunt, vt probant argumenta superius proposita. Eo sensu nimis, quod nihil gratiae cuiquam Deus impertivit, nisi intuitu meritorum Christi, tum iis qui tempore Christum praeceserunt, tum aliis omnibus, sicut aut post-existentibus. Neque propterea Christus non meruit omnes effectus nostrae prædestinationis. Nam dona illa gratiae quae diximus eum non meruisse, non sunt effectus nostrae prædestinationis: sed ea tantum gratiae beneficia quae presupponunt intentionem nos salvandi, ac vi illius præparantur & exhibentur.

Notandum tamen aliud esse quod Christus meruerit absolute hæc omnia gratiae beneficia: & aliud, quod meruerit comparative ut darentur hæc potius quam illa, aut huic potius quam illi. Primum generatio verum est. Secundum est falsum in plurimis. Quamvis enim Christus illis pro quibus oravit specialiter, aut quibus sua merita efficacius applicauit, obtinuerit ut per media congrua, & speciale fauorem, ad gloriam perducerebantur Apostolis, excepto Iuda, & plurimis aliis pro quibus oravit specialius, & exauditus est pro sua reverentia, tamen non meruit ut Deus hanc seriem rerum & mediorum salutis patris profuturam, eligeret potius quam aliam: neque ut tam multis darentur media incongrua: neq; ut illi pauci eligerentur pro aliis, quatenus istorum electio concordat alicorū delectio, à quibus isti secernuntur, & specialius diliguntur. Neque antecedenter sua voluntate, & applicatio ne efficaci meritorum suorum, secrevit omnes electo, reprobus. Sed potius hæc omnia reiicienda sunt ad occulta & inscrutabilia Dei iudicia, non ad merita Christi, quæ indifferenter se habuerunt ad illa vel ad eorum opposita. Neque etiam est gratiae beneficium quod vocatio vel auxilia gratie sint incongrua: quod hic deseratur alio electo: quod hæc series rerum pro alia meliori & favorabili eligatur: ut propter illam preparationem se recurrendu ad Christi meritum: ac non potius ad inscrutabile Dei iudicium.

SECTIO V.

Respondetur argumentis contraria sententia.

Contra id quod diximus, meruisse nobis Christum primam vocationem, & auxilia quibus disponimus ad iustificationem, senserunt Capzol, Driedo, Ruard. & alij, quos citant & refutant Guar. tom. I. in 3. par. disput. 41. sect. 2. & Vasq. ibid. disput. 77.

cap. I. & sequentibus: quorum prior affirmat Refutatio non esse audiendum in scholis posterior, non qui dicunt posse dici sine errore contra fidens, quod Aut. Cifillius thores illi afferunt, Christum meruisse quidem ut parvulus baptizatus, vel adulsti vocari ritate dispositis per actus fidei, spei, & charitatis, conferatur gratia iustificationis, ceterum at non meruisse ut parvulus applicetur baptizatus, neque ut adulti vocentur & disponantur per pios motus ad iustificationem. Fundamenta huius sententiae haec sunt. Primo quia D. Thom. 3. p. qu. 19. art. 4. ad 3. affirmat, sicut peccatum Adæ non derivatur ad alios nisi per carnalem generationem; ita meritum Christi non derivari ad alios nisi per spiritalem generationem, quæ fit in baptismō, per quam homines Christo incorporantur. Et in fine solutionis, si conferatur solutio cum argumento cui responderetur, tradit non vide sub Christi meritum ut aliquis regeneretur. Secundo, Trident. sess. 6. cap. 3. significat merita Christi communicari iis dumtaxat qui renascuntur in Christo: & illam renascientiam esse rationem ut qui renascuntur, participent merita Christi: sicut generatio ex Adamo est causa ut qui ex illo nascuntur, conerant peccatum originale & participent malo ipsius merito. Tertio, Paulus ad Roman. 3. affirmat nos iustificari gratis: & Ephes. 1. ait nos sorte vocati & eligi ad sanctitatem: quæ falsa essent, si ipsa vocatio & dispositio ad iustificationem, esset ex Christi meritis, & ex iustitia respectu Christi. Quartu, Christus non meruit efficaciter ut omnino parvuli baptizarentur, neque ut omnes adulti disponerentur ad iustificationem: alioquin omnes parvuli baptizarentur, & omnes adulti disponerentur & sanctificarentur. Neque fuit ratio cur huic potius quam illi meruerit? cur v. g. duorum infantium moribundorum unus baptizetur, alter non? cur duorum peccatorum unus convertatur, alter in peccatis mori finitur? Item si quis malitiosa infamem batizet suffocando in aqua, Christus non est causa talis applicationis, quæ sacrilega est. Neque obest, inquit, quod in Scriptura & Tridentino dicatur vocari in Christo, & per Christum. Quia illæ particulae non semper significant causam meritoriam; ut probant ex aliis Scripturæ locis, in quibus multa dicuntur fieri in Christo, vel in Domino, aut in Spiritu sancto, vel per Spiritum sanctum, quæ eorum nomine & institutione & voluntate aguntur, secundum ordinem, quenam in Ecclesia posuerunt, atque etiam ea quæ secundum Christum fiunt, secundum Deum, secundum Spiritum sanctum. Ut Roman. 8. In quo (Spiritu sancto) clamamus Abba pater. Et cap. 16. v. 1. Commodo vobis Phæben soror in nostram, ut eam suscipiat in Domino, id est, secundum Dominum. Et v. 4. Salutare Priscam & Aquilam adiutores meos in Christo Iesu, id est, in causa & negotio Christi.